

CONVENIO DE COLABORACION EMPRESARIAL ENTRE ABANCA CORPORACION BANCARIA, S.A.E A FUNDACION CIDADE DA CULTURA DE GALICIA CON MOTIVO DA IV CONVOCATORIA DOS PREMIOS EMPRENDE CULTURA GAIÁS-“SIXTO SECO” 2016

Santiago de Compostela, a 21 de xuño de 2016

REUNIDOS

Dunha parte, a **FUNDACION CIDADE DA CULTURA DE GALICIA**, con domicilio social en Cidade da Cultura de Galicia, situada en Santiago de Compostela (A Coruña), Monte Gaiás s/n, e provista do NIF G-15721640. Constituída o día 27 de decembro de 1999, ante o Notario do Ilustre Colexio de Don , con número de Protocolo . A Fundación está inscrita no rexistro de fundacións de interese galego co número .

Está representada neste acto por Beatriz González Loroño, con D.N.I. na súa condición de Director/a Xerente, conforme aos poderes outorgados ao efecto polo Padroado da Fundación en data do 8 de outubro de 2010, poder escriturado ante o Notario do Ilustre Colexio de Don , con número de Protocolo .

E doutra parte, **ABANCA CORPORACION BANCARIA, S.A. (en diante, a “ABANCA”)**, con domicilio social en e provista do Número de Identificación Fiscal , constituída mediante escritura outorgada o día , ante o Notario D. baixo o número de protocolo na provincia de , e inscrita no Rexistro Mercantil de , ao tomo da Sección Xeneral, folio , folla , inscrición .

Está representada neste acto por , con DNI , quen actúa mediante facultades de representación conforme a escritura de outorgamento de poderes, formalizada ante o Notario do Ilustre Colexio de , Don o co seu número de protocolo .

As partes, segundo interveñen, se recoñecen, mutua e reciprocamente, a capacidade legal necesaria e a representación suficiente para formalizar o presente Convenio de Colaboración (o “**Convenio**”), e ao efecto

EXPOÑEN

I.- Que a **Fundación Cidade da Cultura de Galicia** foi constituída o 27 de decembro de 1999, mediante escritura pública outorgada ante o Notario de , Don , co número do seu protocolo, como organización de natureza fundacional, de interese galego, sen ánimo de lucro, cun patrimonio afecto de maneira duradeira á realización dos fins de interese xeral propios da Institución.

Mediante a Orde da Consellería da Presidencia, Relacións Institucionais e Administración Pública do 11 de xaneiro de 2000, (DOG núm. 11 do 18 de xaneiro), clasificouse a Fundación Cidade da Cultura de Galicia como cultural e adscribiuse á Consellería de Cultura. Por Orde da Consellería de Cultura do 19 de xaneiro de 2000 (DOG núm. 26 do 8 de febreiro) declarouse de interese galego e inscribiuse no rexistro de fundacións desta consellería co número 73.

Esta Fundación Cidade da Cultura de Galicia forma parte do sector público da Comunidade Autónoma de Galicia. Na actualidade está adscrita á Consellería de Cultura, Educación e

Ordenación Universitaria que exerce o seu protectorado e cuxo conselleiro ostenta a presidencia do Padroado, órgano reitor máximo da Fundación.

II.- Que a Fundación Cidade da Cultura de Galicia (FCDCG) promove anualmente os Premios Emprende Cultura Gaiás-“Sixto Seco” na Cidade da Cultura de Galicia, que xa vai pola súa IV Edición, actuación consistente nun concurso dirixido a emprendedores e profesionais independentes do sector cultural, que pretende:

- ☐ Potenciar a realización de proxectos empresariais dentro do ámbito das industrias culturais.
- ☐ Impulsar o desenvolvemento de novas ideas no dito ámbito.

As modalidades que premian esta convocatoria son:

_ Modalidade A: proxecto innovador para a programación de aplicacións informáticas relacionados co sector cultural e proxectos culturais en internet.

_ Modalidade B: proxecto innovador para o desenvolvemento de proxectos na área do deseño e da creación artística e plástica no ámbito cultural

_ Modalidade C: proxecto innovador para o desenvolvemento de proxectos na área da xestión cultural.

III.- Que **ABANCA** é unha das principais institucións financeiras do mercado español. Con oficinas en sete países máis (Francia, México, Panamá, Portugal, Reino Unido, Suíza e Venezuela), aposta por un modelo de servizo que concilia o mellor da banca tradicional cos atributos dun banco de última xeración que aposta pola calidade, a confiabilidade, a responsabilidade e a innovación como os seus valores primordiais. Esta entidade colabora asiduamente con entidades, organismos e axentes sociais do tecido cultural e empresarial de todo territorio nacional na promoción, difusión e apoio ao coñecemento, á investigación, á cultura e á arte nas súas máis diversas facetas.

IV.- Que **ABANCA** mantén e desenvolve unha importante actividade económica na Comunidade Autónoma de Galicia a través dos seus distintos centros nela situados, e recoñece a importancia do emprendemento cultural relacionado coas novas tecnoloxías e, por extensión, a importancia dos premios Emprende Cultura Gaiás-“Sixto Seco”, e a tal fin desexa colaborar na súa realización, promoción e difusión, en consonancia coa súa política social corporativa,

E que, en virtude das consideracións anteriores, ambas as dúas partes acordan a firma do presente Convenio, de acordo coas seguintes

CLAUSULAS

Primeira. - Obxecto. Contido e alcance

O presente Convenio ten por obxecto regular os termos e condicións da colaboración de ambas entidades, con motivo da cuarta (IV) convocatoria dos premios Emprende Cultura Gaiás-“Sixto Seco” 2016.

Co fin de alcanzar o devandito obxecto, ABANCA asume o compromiso de efectuar a achega económica que se indica na cláusula terceira seguinte para a promoción, divulgación, apoio emecenazgo á celebración dos citados premios e en concreto, coa da modalidade A destes

premios, referida a “proxectos innovadores para a programación de aplicacións informáticas relacionados co sector cultural e proxectos culturais en internet.”

Pola súa banda, a FUNDACIÓN CIDADE DA CULTURA DE GALICIA, comprométese a:

- a) aplicar a achega económica ás actividades e nos termos recollidos nos parágrafos anteriores.
- b) difundir e facer constar, de forma visible, a colaboración prestada por ABANCA nas comunicacións ou publicacións nas que se difunda información relativa ás actividades desenvolvidas coa colaboración de ABANCA, todo iso, nos termos que se indican na cláusula cuarta seguinte.

Segunda. - Duración

O presente Convenio terá unha duración dende a data da súa firma ata a data de entrega pública dos premios, prevista para outubro de 2016, estando expresamente prohibidas as prórrogas expresas ou tácitas. Todo iso, sen prexuízo de que, por razóns organizativas da entrega, esta data deba pospoñerse alén do prazo indicado.

Terceira. - Aportación económica

ABANCA comprométese a entregar á FUNDACIÓN CIDADE DA CULTURA DE GALICIA unha achega económica en metálico de **2.000,00 euros (dous mil euros)**, nun só prazo, a ingresar nos cinco (5) días seguintes á firma do presente documento na conta número , titularidade da Fundación Cidade da Cultura de Galicia.

Unha vez recibida a referida achega económica, a FUNDACIÓN CIDADE DA CULTURA DE GALICIA expedirá a favor de ABANCA unha certificación acreditativa da achega realizada, nos termos do establecido na Lei 49/2002, de 23 de decembro, do Réxime Fiscal das Entidades sen Fins Lucrativos e dos Incentivos Fiscais ao Mecenado e do seu Regulamento de desenvolvemento.

Cuarta.- Difusión da participación de ABANCA

En tanto dure o presente convenio de colaboración, a difusión da participación de ABANCA nas actividades da FUNDACIÓN CIDADE DA CULTURA DE GALICIA levarase a cabo nos seguintes termos:

- A FUNDACIÓN CIDADE DA CULTURA DE GALICIA comprométese a difundir a participación e colaboración de ABANCA mediante a inserción da súa marca, denominación social ou logos en cantos rótulos, impresos, catálogos, selos, propaganda e en calquera outra información que se publique ou edite en relación coas actividades desenvolvidas coa colaboración de ABANCA. A estes efectos, ABANCA facilitará á FUNDACIÓN CIDADE DA CULTURA DE GALICIA o modelo de marca ou logotipo que deba ser difundido e a FUNDACIÓN CIDADE DA CULTURA DE GALICIA axustarase en todo caso e calquera que sexa o material no que se insira, ao deseño facilitado por ABANCA.

- A FUNDACIÓN CIDADE DA CULTURA DE GALICIA comprométese a que sexa mencionada a colaboración de ABANCA en todos os actos de difusión referidos ás actividades desenvolvidas con dita colaboración.

- ABANCA poderá facer pública a súa participación nas actividades da FUNDACIÓN CIDADE DA CULTURA DE GALICIA, baixo a denominación de Entidade Colaboradora da FUNDACIÓN CIDADE DA CULTURA DE GALICIA.

En todo caso, a difusión da participación de ABANCA nas actividades da FUNDACIÓN CIDADE DA CULTURA DE GALICIA limitarase ao uso dos seus logotipos ou signos distintivos,

quedando expresamente excluída deste convenio a publicidade ou a difusión de calquera produto ou servizo que poida prestar ABANCA.

Quinta.- Propiedade intelectual

En ningún caso as cláusulas do presente convenio supoñen a cesión ou transmisión de calquera dereitos de propiedade intelectual ou industrial titularidade de ABANCA.

O uso non autorizado ou para un fin distinto ao pactado no presente convenio por parte da FUNDACIÓN CIDADE DA CULTURA DE GALICIA de calquera signo distintivo protexido polos dereitos de propiedade intelectual ou industrial de ABANCA, facultará a esta para instar a resolución do presente Convenio, en cuxo caso, a FUNDACIÓN CIDADE DA CULTURA DE GALICIA comprométese a restituír a ABANCA o importe da achega realizada e, todo iso, sen prexuízo da correspondente indemnización de danos e prexuízos a que houber lugar.

Así mesmo, a FUNDACIÓN CIDADE DA CULTURA DE GALICIA garante a ABANCA que obtivo ou obterá as autorizacións, permisos e licencias necesarios, calquera que sexa a súa índole e alcance, para a inserción da marca, denominación social ou logos de ABANCA dacordo co disposto na Cláusula Cuarta do presente Convenio. En consecuencia, ABANCA queda liberada de calquera responsabilidade que puidera poñerse de manifesto por razón da ausencia ou deficiencia de tales autorizacións, permisos e licencias, cuxa obtención, xestión e mantemento son da exclusiva responsabilidade da FUNDACIÓN CIDADE DA CULTURA DE GALICIA.

Sexta.- Responsabilidade

ABANCA limita exclusivamente a súa colaboración referida ás actividades da FUNDACIÓN CIDADE DA CULTURA DE GALICIA con motivo da celebración da IV Convocatoria dos Premios Emprende Cultura Gaiás-“Sixto Seco” 2016 á achega económica comprometida na Cláusula Terceira e, polo tanto, baixo ningún concepto poderá quedar vinculada ABANCA a responsabilidades de ningún tipo que puideran derivarse da organización e desenvolvemento de ditas actividades, obrigándose a FUNDACIÓN CIDADE DA CULTURA DE GALICIA a cubrir as citadas responsabilidades.

Sétima.- Causas de resolución

O presente Convenio poderá resolverse por calquera das seguintes causas:

- Por mutuo acordo das partes. As cantidades que haxan de satisfacerse no seu caso, serán as que as partes conxuntamente determinen no acordo de resolución.
- Por incumprimento das obrigas das partes. Cando o Convenio se resolva por causas imputables a calquera das partes, a parte incumplidora deberá de reparar os danos e prexuízos que por tal motivo tiver causado á outra parte.
- Por denuncia das partes, poñéndoo en coñecemento da outra, polo menos cun (1) mes de anticipación á data en que desexase deixalo sen efecto.

En todo caso, haberán de ser finalizadas as accións que no seu momento se achen en curso ou estea comprometida a súa realización.

Oitava.- Publicidade

Este convenio de colaboración será obxecto de publicación na páxina web oficial correspondente, coa expresión da súa contía e finalidade, de acordo co disposto na Lei 1/2016, de 18 de xaneiro, de transparencia e bo goberno na Administración pública galega, e no Decreto 126/2006, do 20 de xullo, polo que se regula o Rexistro de convenios da Xunta de Galicia.

Neste sentido, as partes prestan expresamente o seu consentimento para que se lle dea ao presente Convenio a publicidade esixida.

Novena. - Tributos

Na execución do contido do presente convenio, cada parte soportará os tributos que se poidan percibir e sexan do seu cargo segundo a Lei.

Décima. -Natureza

O presente acordo ten a natureza prevista no artigo 25 da Lei 49/2002, do 23 de decembro, de Réxime Fiscal das Entidades sen Fins Lucrativos e dos Incentivos Fiscais ao Mecenado, e, en ningún caso, debe considerarse que persegue os fins dos contratos de patrocinio publicitario recollidos no artigo 22 da Lei 34/1988, do 11 de novembro, Xeneral de Publicidade.

Para todos os efectos, a difusión da participación de ABANCA nas actividades da FUNDACIÓN CIDADE DA CULTURA DE GALICIA non constituirá unha prestación de servizos.

Undécima.- Xurisdición e competencia

ABANCA e a FUNDACIÓN CIDADE DA CULTURA DE GALICIA comprométese a buscar a resolución de calquera conflito ou incidencia que puidese xurdir na interpretación ou execución do presente convenio de xeito amigable.

En caso de que non puidese ser resolto como antecede, o presente Convenio someterase á xurisdición dos Xulgados e Tribunais de Santiago de Compostela.

Duodécima. - Notificacións

Todas as notificacións, requirimentos, peticións e outras comunicacións que haxan de efectuarse polas partes en relación co presente Convenio, deberán realizarse por escrito e serán dirixidas por calquera medio admitido en dereito que permita ter constancia da súa data, da súa recepción e do seu contido, ben por correo electrónico ou ben por correo postal ao domicilio da outra parte, considerándose entregada tres días despois do envío sempre que o remitente teña no seu poder o xustificante de envío.

E en proba de conformidade, asíñase e rubrica o presente Convenio, por duplicado, e para un só efecto, no lugar e data do encabezamento.

Pola Fundación Cidade da Cultura

Por ABANCA

ANEXO I.- CERTIFICADO DE PAGO RELATIVO AO CONVENIO DE COLABORACIÓN ENTRE ABANCA CORPORACIÓN BANCARIA, S.A. E A FUNDACION CIDADE DA CULTURA DE GALICIA CON MOTIVO DA IV CONVOCATORIA DOS PREMIOS EMPRENDE CULTURA GAIÁS-“SIXTO SECO” 2016

D/D^a _____, provista de DNI _____, na súa condición de _____ da FUNDACION CIDADE DA CULTURA DE GALICIA (en diante, a Fundación), con domicilio social na Cidade da Cultura de Galicia situada en Santiago de Compostela (A Coruña), Edificio CINC, terceiro andar, Monte Gaiás s/n, código postal 15707 e provisto de Número de Identificación Fiscal (N.I.F.) G-15721640, conforme aos poderes outorgados ao efecto polo Padroado da Fundación en data _____.

Certifico

1º) Que esta Fundación foi constituída con data do día 27 de decembro de 1999 e declarada de interese cultural por Orden da Consellería da Presidencia e Administración Pública da Xunta de Galicia de 11 de xaneiro de 2000, quedando adscrita ao Protectorado da Consellería de Cultura, Educación e Ordenación Universitaria e que se atopa incluída entre as reguladas no artigo 16 da Lei 49/2002, do 23 de decembro, de Réxime Fiscal das Entidades sen Fins Lucrativos e dos Incentivos Fiscais ao Mecenado.

2º) Que para axudar ao cumprimento dos fins estatutarios desta Fundación, a empresa _____, con CIF _____ e domiciliada na _____, abonou á FUNDACION CIDADE DA CULTURA DE GALICIA a cantidade de _____ mediante transferencia bancaria realizada o día _____.

3º) Que esta Fundación aplicará a aportación económica referida no apartado segundo anterior á actividade “IV Convocatoria dos premios Emprende Cultura Gaiás-“Sixto Seco” 2016”.

4º) Que dita cantidade foi entregada por ABANCA en concepto de axuda económica en virtude do Convenio de Colaboración empresarial en actividades de interese xeral, ao que se refire o artigo 25 da Lei 49/2002, de 23 de decembro, firmado en data _____.

Todo o cal certifico aos efectos previstos no Título III da Lei 49/2002, do 23 de decembro, de Réxime Fiscal das Entidades sen Fins Lucrativos e dos Incentivos Fiscais ao Mecenado.

En Santiago de Compostela, _____.

A _____ da Fundación Cidade da Cultura de Galicia
